

知
足
齋
詩
集

知足齋詩集卷第四

甲申至己丑

大興 朱珪 石君

堂前木芙蓉夾道盛開清豔善變亦奇觀也歌以狀之

素娥曉盥開奩初守宮洗淨凝脂膚霓裳萬舞無閒色

冰心雪映神藐姑

初開色淨白

日光照耀玉肌暖酡頰淡暈

氤氲疎頰然薄怒又宜笑嬌頰不語意已舒

將午轉淡紅

晚

妝明媚起勸酒絳霄真人霞冠裾猩脣薦盤赤鳳翥

筵紫玉紅瓊瑜

日昃一行雲行雨幻朝暮瓊樓蜃氣誰

呵噓芙蓉主人心似鏡利那點染憑天姝晴如摘繡雨

濯錦乘槎平視織女車昨當三夏菡萏發清香十丈煩
疴除秋來竊恐感蕭蕭拒霜爲我回春萼水泉盈隄花
滿苑鷗鷺欲下馴麀麇安得斧柯長不用變化萬卉無
榮枯

題鍾韻圃同年遺照

蘇家軾轍好匹雙宦游欲歸誓大江滔滔江水逝不反
獨聽夜雨愁金釭伊人伯仲背對策鸞鶴翩翥來海邦
伯兮一麾到岷蜀勸耕遺愛豐雞羣忽然掉頭感鱸膾
囊笠萬里歸淙淙如何喧濤壓塵海蹴脫不戀空谷登
祇今披圖想天上春水獨坐虛吟窻仲也致身近霄漢

望雲歸去心未降探蘭那解涉江怨臨流酌酒淚滿缸
人琴已矣水仙去但見天水萬古爭高縱

李唐園監丞文園學士花墅對牀圖

帝城春晚花始殷鄂不枝葉交爛熳四門清暇玉堂散
對花一笑初開顏酒清歌緩月欲上牀移花鞦園暫關
伯兮德尊愛更篤弱弟名達心能閒人生富貴亦何有
天公付與茲尤慳憶予鴈行當早歲回翔禁樹聯清班
五年遠游感衣帶三冬歸處嗟繩管不知瀟瀟幾聽雨
坐愁望望勞登山何如君家好兄弟花前娛戲頭已頽
無忘嘉樹喻翩反有夢春草生灣環更知君實性則友

承華退直常追攀致身槐棘正不免且祝異雀銜雙環
文園有商瞿之筮故云

李烈婦

維縣韓夢齡之妾

澠水出箕屋山東北流逕淳于城汶水來會之湯湯到
海無阻行萊州屬縣縣曰澠李氏之女韓氏妃韓生有
妻復有子李居側室言無違夫命葉上霜妾身霜下葉
霜消葉亦隕那用苦禁妾寒飈烈烈吹幽廬中夜決志
無踟躕引繩絕亢瞑不盱嗟哉弱女子何愧真勇夫鬼
伯憐之怪咄咄噫風噓雲扇奇骨三日舉尸異香發空
堂清嚴嗅秘醇三老告縣官此事便上聞匹婦死大義

可以旌其門嗚乎先王制禮防中人三良惴惴殲厥身
人生一死亦不易君不見海上田橫五百賓

乾隆三十二年正月十九日服闋二月二十一日
奉

旨補授湖北按察使三月初四日出京宿西山二老莊
墓廬明晨伯兄冠山仲兄仲君叔兄竹君送予至
長新店握手爲別得詩二首

三年山友于一月

天膏露行行銜

恩私去去戀邱墓十三背 先慈三十別 老父宦遊

豈云久歸來慟風樹平生愛憐意不隔幽明故夢魂通
憂愉卮酒驚離聚五更四山黑風雨助號訴敢忘清白
訓有忝寐與寤松楸辱

清問

正月二十五日
垂詢家世里居墳墓甚詳

召見

涕淚榮知遇蕭然報

國身感激登

皇路

少小從諸昆娛戲共一房連枝高蔭下嘔喜無猜防中
閒感萊萸仕宦天各方伯兮丞新建仲也令濟陽惟叔
我同館比翼交翱翔後來伯仲歸我又出聞疆相避若
鴈燕常恐親惻傷豈知晨星聚翻在苦出旁尤憐仲寂

三載對牀今宵一樽酒起視夜未央握手各贈言
原義步敢忘仰荷

天日恩葵藿心所將回首望山色揮涕歌陟岡

謁楊椒山先生祠

有明中葉衰權姦執魁杓先生爭國是請劔誅雄梟鐵
石作肝膽性成自童齠飢寒鍊心骨耿耿兀不搖再發
射狐鼠不忌憑鬼祧夢中謁重華自比蘓咎繇豈知大
弦急獨手難和調龍虎弄領牙誰敢生摩挲可憐史魚
尸未熄煬竈歎彼微鸞與嵩哇設同臙曉公之姓名字
萬古齊金焦

公詩楊子有心渡揚
子椒山無意合焦山

少小讀公書涕泗霑

雙髻今來拜遺像欲賦大小招風輪挾浩氣凜凜排空
寥慷慨燕趙歌清絕念湫嶽

邯鄲行

秦兵合圍邯鄲城諸侯頸縮不敢偵連雞雌伏待烹醢
俛首帝號歸咸京平原告急魏公子信陵拔劍甘投死
夷門監者狂且慵揮手送別何從容還來問計出奇絕
虎符夜半如姬竊屠兒從行袖鐵椎老客臨風灑頸血
翩翩單騎從南來嘖喏宿將死可哀河漳舟焚義軍動
虎狼宵遁重圍開趙王傾國酬高義揖讓無言心已醉
笑談蹈海更何人叢臺慄慄同生氣

磁州城北二十里爲杜村問之士人有漢杜太尉
喬墓在村西北里許隨訪之荒原孤阜無片碣可
考感而作此且致磁州牧李君晟誌之

邯鄲南發經杜村太尉無廟云有墳去村西北一里路
土人導我拜公墓獨騎躑躅沙礫中麥田春蔓平野空
坡陀孤阜無碑碣遙對太行埋碧血當年椒焰方燎原
金蛇不與私傳觀犀庭比肩抱日月虎穴刺手生糜爛
陳尸城北萬夫愴鈇鎖號天許歸葬魂歸漳滏長滔滔
白水已涸當塗高到今遺蛻一坏土西望長陵其榛莽
久騎箕尾上星辰不鑿麒麟護風雨我歌爲致州牧賢

且乞片石深題鐫誰能好事樹十畝更作新廟歆千年
十五日過湯陰堯公君素祠

夷齊死義非死商堯公不肯臣李唐隋家得此一已足
磨洗國恥扶天常湯陰城北式公廟後先嵇岳爭光芒
嗚乎君臣道不敝誰其嗣者王鐵槍

謁岳忠武廟

楚尾橫江蹙秦頭壓日昏遂成三字獄莫問二魂魄碧
血膏新邑黃河斷故園空餘抉目恨不忍視東門

謁嵇侍中祠再至殞村訪其墓并東湯陰李令林
庚辰春仲自楚返湯陰城南訪殞村距村西南五里弱

村頭魏公碑尚存讀之未半穹碑動靈風撼石心震懽
魂來白晝出大魄血照青天失故隴熙寧張楸作廟新
墓藏近遠碑不云任倫重書嘉靖代三省更刻碑陰文
我疑廟碑近公墓師段之記豈無據段云至順有呂榮
始遷新祠傍官路肅然歸去默禱空他年誌此求幽宮
茲行過祠重瞻拜導我舊路煩僧童碑前驚見壘小邱
東望新碣臨道周嵇丞鳳朝以意作乾隆辛巳初改修
嗚乎公墓終疑似此村此名或近是面村封樹禁樵蘇
環碑架構憑墓址作詩敬告今詩人乘時好古必得真
我言覩縷君勿嗔須君大篇泣鬼神

十八日渡滎澤口黃河

夙興月過午五更風怒發平明經王路

材名

耕犁已軋軋

但恐馮夷驕咫尺阻津筏瀕河沙不颺遙見桅高揭中
流何滔滔颿穩捷箭筈早殄滎澤橋日脚未中臬回首
拜靈賜豈敢他請謁吾聞忠與信利涉無艱闕此行荷
帝恩所司在欽恤信誓有如水忍以恣草蔡他年重渡
此鑒予流活活

南陽

赤帝再奮炎靈晡草廬高臥蟄不蘇隴頭了了吳魏割
戶外索索龍虎趨君臣道交抗衡說仇敵氣餒甘巾襦

扶傾大節在謹慎國賊未滅忠不渝出師兩篇照千古
微箕靖獻血淚俱冒然夜半大星落天不祚漢非公踈
較量管樂豈足比慨慷梁父真相謨

月夜泛舟襄江

襄江東下踰鄢城扁舟夜泛鳬鷺輕清風吹波月影動
玻璃萬片搖空明遙煙漠漠天蓋接踈燈炯炯星查橫
仰看五緯分熠熠倒涵七寶鋪光晶慙余塵土暫流翫
盪摩虛白初心呈始來桃花春未漲舍舟登陸馳官程
茲行周爰匝荆漢羽書嚴急掣電驚指揮小了賴有駭
平反大辟哀無情兩宵安枕聽籌報獨坐清景敲詩鏗

平生讀書志淡遠感遇特達輪精誠鑒民如水尚鮮死
主刑惟月期哉生天高無風輪自鎮水順有性衡常平
扣舷歌罷肝膽醒朝暾欲出扶桑頰

欸乃歌十首

欸乃復欸乃襄江浪如海不怕浪頭高但愁儂顏改
妾家動情灣郎住樊城口船行如飛箭過門不回首
漢水東南流恰遇西北風歸遲去苦速易別難相逢
送郎下馬頭低聲囑老板俗呼梢工之稱回船載郎來風順蓬
須滿

江水鳴頭綠江船鷺毛輕去來好穩坐莫教妾夢驚

襄水過大別江漢尚合流與郎作小別日夕遲歸舟
郎比江中水妾比江上山行止雖異性願得長迴環
妾是踏土人不比踏浪女舵底長兒孫那知別離苦
上堂慰公姥歸書說平安千里異風雨那知暖與寒
莫唱白銅鞮莫唱大隄曲聽我歌乃歌客遊歸須速

江行咏懷

漢水千里平大江日夜注荆郎上交會九江下奔赴長
風助波濤咫尺愁龍怒孤艇善出沒倏忽競飛渡疎星
映漁火明滅半烟霧飄然乘槎使卽目欣所遇敢云湖
山宰大美取無數區區抱忠信竊恐多愧怍未能格豚

魚何以化行露臨流發浩歌三古誰功敘

舟中讀仲君兄手寄書尾五絕感而有作

對牀聽雨更何年蕭瑟蓬窗獨黯然千疊江山回首隔
三冬眠食幾生緣早希無葛真彭澤善學維摩似輞川
只有停雲佳節句沉吟開闔未終篇

拒姪歸請予作詩偶未暇也補寄三首

昔我歸京師三年共兄處寢飯一室中擁被相夜語憐
汝早失恃向學質非魯告蒙授以經大義兼訓詁諄諄
喜予聽不寐閒更鼓日月如飛輪苾穎漸楚楚今年偕
汝南迎婦江之汭每登黃鵠磯壯觀盪靈府逝將別我

歸北望長延佇

吾兄四十一忍作終身鰥豈忘室家樂但恐兒女寒苦
身憐其子此恩何可殫姪今早授室翁老長子單夜半
忽思之豈敢耽晏安溫病不可缺養志求所歡和汝眾
弱弟父兮娛長年

爲學期日益所貴虛其心至虛益乃受積高非臨深篤
行學之本無以礪薄侵不見汝庭闈厚意醴可斟汝叔
雖竊祿豈敢從驕淫雞鳴起孳孳夙夜惟天謀丁寧伏
波戒刻鵠古所箴

題陳定齋先生玩易圖時令嗣來章給諫舟過江

干

三古前民用象變觀至精六虛浩周流一誠素位行合
并人鬼謀旁通性命情所以求寡過惟動善惡生爭先
空萬化讓後葆孩嬰咄哉二氏學忍餒忘其耕愚者貪
未得黠者逃無名俯仰感覆育跬步欽父兄平生抱螢
燭未敢摩光晶先生起黔陽學老仕宦輕歸山手韋編
理數窮朱程我聞易簣書反覆辨悔貞再拜披遺圖酌
此江漢清歲行昨在戌月閏今先庚勞勞見星客珍重
逾金籙

除夕

三十辭親始壯遊五年歸去泣松楸對牀風雨真難得
過隙居諸肯暫畱畫地那堪民命重貪天莫報

主恩稠兒郎守歲渾閒事老我春江日夜流

將之山西畱題閔峙庭方伯南村圖三首卽以誌

別

君家山水鄉茗雪雨清淅芙蓉發跼晴沙戲鵲鵲掀
然大翮起咫尺視八極徘徊雲天高駘蕩江湖憶江湖
渺何所夢想動顏色油油出山雲裊裊歸未得舒爲大
塊霖卷之不盈劫素心良不繼南村卜可食

愛山非山人看花非花主大隱小隱閒相嘲竟誰與十

年樹嘉木大厦資棟宇蕭蕭綠野堂澹澹黃花圃洗心
比夷惠致身邁申呂沔水合大江豈敢懷故土知君五
嶽游未忘三徑侶且爲越人吟雲霞夢天姥

誅茅未可卜傾蓋亦有期與君數晨夕近在江漢湄忘
形吐肝膽聞過相切規歲星一周匝忽作參與箕行行
太行坂回首黃鵠磯寄聲同心友黽勉勵德輝豚魚格
忠信努力中流時何當一篇水及子同舟嬉

望太行山口占

萬嶂連張碧案橫蔚藍界畫更分明顛昂參虎排天塹
尾曳恆蛇尾

侯雁遙通南極煖導龍直遡北條清行行躋埤欽
前戒自覺羊腸似砥平

晉王宮漆椀歌和齊進士翀

齊君示我古漆椀百年遺器出晉宮寶賢石斷砌馬櫪
此物眞贗誰能窮黃金中塗已攫去嗚然外殼康瓠同
雕幾蜂蝶萼跼韡華質殷駁宜殄饒當年赤龍起豐沛
鏤金牀碎江州東欲以鉶盞教儉德更分寶玉班宗功
髯王中道咎膳宰詔書馳戒何翦翦一傳燕啄劫七鬯
世守虎節完圭桐端王西河九孝謹芝生泉湧天鑒爽
橫汾流觴珠履錯豔趙挾瑟酡顏紅酎金高廟拜曆脈

宥坐欹器銘謙沖豈知九鼎忽折足闕然大盜來關潼
虜王鹽腦就桎梏美人智井愁芻蕘玉魚金盃尚不保
駝山夜發亾羊童微乎微者此何幸流傳好事催詩筒
君豪槃敦已在手我更何有爭雕蟲歲寒燭跋歌正放
浮白且潤鳴腸空

題甘孺人節孝詩錄後並柬胡廉使雲坡

我來山右胡君同結交肝膽相磨礪怪君不肯奏絲竹
以期服嫂師韓公曰某墮地先喪母嫂甘早寡撫某躬
八齡山頽顛木蘖翁歸窀穸兒包蒙爲某娶婦婦有子
以後于嫂繼大宗某官京師嫂就養嫂年六十珣舞恭

上邀

龍光表苦節勞羅椽筆徵詩筒可憐回首四十載恩勤
提挈艱危中瀾翻根源涕橫落心能摹擬言難窮我聞
拱手欽孝友此足不朽扶惇庸俄然遷擢去謁

帝一卷屬我分鉛紅君家家乘光史冊更厲清德纘治
弓榮陽自不愧貞石勉以山斗傳芳彤

題得一居士空色圖次餘園韻

鳩摩羅什跳下高坐前愛河涌出枝扈黎大川吞鍼盈
鉢舌不爛淤泥碧浸亭亭蓮兩兒上肩戲老衲十伎侑
酒憐童顛空中色花花照眼居士早得忘家禪曼陀飛

舞不落地不有結習誰因緣此圖空色了無礙紆鬟解
佩清涼天綠衣豔歌桃僭醉山木臃腫天年全摩登入
室善窈窕阿香戴首來便娟毒蛇何怖蛻智井壁弓自
在臨虛筵渴鯨吸海玉女笑九天咳唾遺珠鈿誰令仁
者自分別蒸砂作飯勞烹煎居士無言但彈指兀如夜
半敲空船裴航何意乞漿飲步兵不訝當壚眠五十安
心學初祖死灰燼滅無由然寸田尺宅自生白嫦娥奔
月圓光圓法喜爲妻兩嫵媚此鄉可老將終焉卽今西
游謁師利毗邪問疾誰爲賢青鞵布襪遍五嶽腰纏更
擬騎胎仙居士大笑子何固子詩我畫非真詮天台藐

姑在何所臥游吾欲從喬仝

送王同年餘園

應絳州山長之聘

麟角鳳觜膠朱弦王君落落猶青氈
函牛之鼎烹大肉王君瀟瀟抱孤竹
隨身卷軸車兩箱風雪顧我古晉陽
五言碎琴露肝膽廿年彈指悲行藏
天門射策排雲近

赤縣鋤强厲秋隼

君知武邑以揭武弁不得于上官

歸來學舍曠如舟

招鬼無聲怨虛牝

改官教授有招鬼詩

截鬟未報陶母恩捉鼻空

教謝妻哂飄然投劾馬首東遠遊燕趙黃金空
長歌秦聲激風雅北地獻吉康武功與君夜語春溶溶
聚散車笠如轉蓬論文豈敢恥王後喫果有例邀朱同汾河南

流去不遠千頃汪汪就黃憲

州牧黃君捷山

望雲迤邐接慈峯

吟風駘蕩滋芳畹請君浩歌觀九原

山在絳州趙文子游觀處

古人

不死誰爲歡臨歧一樽莫辭醉火急寄我詩千篇

贈沈欽伯運司

別君十年如轉手相逢一笑勝飲酒霜華插領玉犀明

他日須防各老醜憶昔丁卯初獻書南北同舉鄉大夫

三年射策偕予仲

君與家仲君兄同成辛未進士

題名高甲傳鴻臚遂

來祕苑讀墳典褒然先後叨首選

與君皆習書散館第一

國編摩

日紀檢金繩密邇

天光步臧碩

五陵春扈屬車塵

戊寅春隨

駕

虞慕周思萬古

新上祭

泰陵必哭

校射旌門班

賜坐

行宮前校射畢賜坐觀步庫

聯牀幕次飮家珍

同宿帳房君出雞鬆佐酒

最歸鞍未冷驚文戰

三月十六日歸十八日御試翰林

麗則千篇奏

別殿曼卿瓦石我來嘲

予遷

昌黎鸞鳳君堪羨

君擢庶子散仙

鞭笞鸞鳳昌黎官庶子時詩也

荆豫相望使傳馳

已卯君主湖北試予典試河南春明

五色其迷離

庚辰同校禮闈

月旦爭傳二千石

時君與予同記名外用都下聞

傳補某府知府矣

綸除接下兩監司

七月初四日予授福建糧道初八日君授河東道

陛辭同日承

天語要試輪轅作車輔

上諭爾等皆好翰林但文章虛政事實爾等當爲國家實

心辦

大哉求瘼

聖人心水旱先憂問疾苦

又

濟事尤須實心查辦

諭遇有地方賑君駐

河東我聞粵海蕩山高兩契闊郇瑕近鹽要官廉至今
美政蒲人說昨夏舉惟度太行思君瓊樹渴瓊漿夷猶
半載一執手未言先醉心相將食肉封侯竟何有百歲
風狂誰不朽一杯深酌爲君歌致身莫令斯言負

喜雨呈舅氏冀寧公

司牧賴上泚農夫眼中淚齊心哀龍公迸此雨腳脆久
愁雲慘淡暫訝珠瑣碎綿綿聽簷溜欲斷屢驚悸遙知

四郊外點點入芒穗行恆交雲根汾漳欲潤氣居然生
枯槁不忍嗜薪薤深慙肉食鄙靜念糠粃悴浹謹齋
厨頗狎菜根味行當饗雨師歌舞薦祈餌寄聲白水翁
清宴許我醉

登忻州九龍岡文明閣東宋州牧定襄馮令

高軒壓層岡爽入代朔秋登頓策勦足沆碭開塵眸城
烟接暮氣動息何紛稠秀容低眉嫵牧馬微涓流平臨
句注峻直鎖忻口邁古來割席地奇計嘻可羞地以漢祖解平
城圍至此得名道隆守四遠插柳樊邊陲我行問穡事恐有菜
色愁此州幸膏潤盱衡舒綠疇公孫大雅後袞袞浴商

朱牧乾金爲

州牧仲先生孫 惴惴大馮君十年懷舊游馮令鵬飛先宰長葛己卯

秋同事 棘闥 時康勤撫字肯作絲繭抽九龍何蜿蜿天漿挹

杓頭作雲瀉畢脚淨洗芑氛收會當夢眞宰長嘯通訐謀

謁蔡忠襄公祠

天牢夜放蜥蜴蟲化爲無角垂天虹阿誰射之瞽厥瞳
摩牙忽到觜觶宮當年盜首十八子鯨吞欲喝黃河水
蔡公講學兼知兵書生有膽堅于城潼關破竹大事去
晉宮焚玉龍啼腥從容一死報天子神完不作睢陽鬼
烈上同心五大夫馨天浩氣長無餒我今摳衣拜下風

想公濡縷丹心紅猿愁鶴淚滿碧空有酒澆我燒劫不
化磊落之心胸

次東坡密州除夕元韻和姚祠部姬傳並柬張樞
亭宮詹以珪與二君今年皆三十九辛亥生也

三人百十七九六妙合半

九九八十一六六三
十六合爲百十七也分爲形

影神戲作泉明歎吾言豈謫張辭變占可玩有如金石
交彈免風水散空空一無色誰作眞宰伴彼姝心則遐
重華方旦旦一聲歌洞庭萬靈欲拍案中曲清且和
耳關雖亂隨風送將雛新沐不用盟浮雲滯心隱愁絕
衣帶緩耿耿心欲搖磊磊珠可貫知子綽約姿肉食心

所懦早飲上池水未消昆明炭鳳飛各東西舊巢空池
館我家有竹實與子共飽煖試噴六出花一發三英粲
日月如飛梭駒隙空過半百川日夜流能無逝者歎平
生苦迷方讀書空物玩沈思九悔多掩卷真精散平子
賦所思四遠誰爲伴勞勞役形骸夜氣失平旦編氓有
憂樂吏牘堆几案不材與能鳴寧免中自亂宮尹好風
度辟若玉初盟來爲河汾師使我頤頰緩君家有難弟
嗜學已非貴投君銀海篇再讀心膽懦干莫躍大冶敢
怨陰陽炭細衣可喻仁改爲歌適館雪花滿井陘黍谷
吹律煖我將擬渭川噴飯聊一粲

知足齋詩集卷第四終

知足齋詩集卷第五

庚寅至戊戌

大興 朱珪 石君

寄仲君兄并示兒錫經

對牀夜雨夢猶頻一卷波羅記岸津

去冬夢兄授予金冊有到彼岸字偶

得心經注波羅密卽釋到彼岸

我自聲聞慙寵弟

阿難爲如來寵弟

君無住相

悟非身誰知膝上王文度只攪宵來第五倫

錫經別予經年頗不

挂心聞其病愈兄來書有可學第五倫安寢矣句

他日兩翁清比鶴好教兒輩

話先民

送傅太守之任柳州二首

君家蘆峯陽建水清可漱十年太行北白雲滿衫袖居

官戒繭絲肉食翻苦瘦況有封鮓母不假鯁噎祝翩翩
一麾遠嶷嶷五嶺右騶鳴王尊軒鶴飛羅侯畧遙知愚
溪上桂晚飽馨嗅

讀書壯知悔作吏老更良竊鹿眞夢鹿牧羊去害羊蟄
蟄萬赤子脈脈勤扶將勞苦安一心彈琴臥匡牀七弦
譜急緩八風調溫涼期君築巖霖膏彼天一方回看考
亭畔觥沸寒泉香

詠史小樂府四十八首次吳桐村學使韻

王祥

剖冰求甘旨抱樹防翦拜寶刀遺元通清達風不壞

石崇

手碎珊瑚枝王郎空爾爲春銷金谷館腸斷綠珠兒

羊祜

金環李家童折臂作三公吳平勞聖慮江漢餘清風

杜預

三立志其二躋哉不朽人名愁深谷變身與邢山鄰

裴秀

子顧從弟楷

饌客座皆起照人玉正橫慨慷崇有論吾謀適不行

衛玠

洗馬眞天人風神傾朝市微言永嘉末何王差足比

張華

三能折魁杓兩劒分佐僚海鳧毛已見那得羨鷦鷯

阮籍

咸

白眼求步兵犢鼻作散騎羣蟲處禪中豈喻大人志

阮孚

內追求下車步歸意何適江東正匆匆去作六月息

嵇康

臥龍誰能馴調絕廣陵散不見石室書空聞大樹鍛

向秀

子期有遠識蒙莊解獨超邠人質已矣晚節不堪招

劉伶

有誓妻莫悲無爭客自化二豪且暫去長眠鹿車下

謝鯤

居身可否間邱壑自可爲危言狎虎兕不異嘯歌時

王濬

阿童水中龍吞江來西蜀寄聲岸上獸不及三山泊

胡毋輔之

安復爲人使取火騶不屑彥國年老矣兒狂翁不及

王尼

馬廐客羣飲露車子其宿不拜東海王餓死亦不俗

山濤

忍饑待三公清儉志初服叔夜子不孤巨源諾無宿

山簡

山公出何所日夕高陽池酩酊能騎馬拍手襄陽兒

陸機

三世總師干二難妙積玉如何淩江來不見雙歸鶴

潘岳

奇童才比賈言行乃乖別空違倚閭訓白首成大拙

劉琨

清夜登高樓哀笳激素秋名刀磨賊壘百鍊詎能柔

祖述

耆老歌甘瓠臨河思北渡英英祖豫州不爲南塘誤

孫綽

十年賦遂初天台覲眞面一表諫移都興公節乃見

王導

簞水鷁如淮中興有領袖宣子豈不忠大義失討寇

劉宏

和季鎮荊州貞固足幹事山澤樂樵漁甘棠思有自

陶侃

運甓惜分陰斂衽坐終日婆娑折翼祥勳名耿不滅

溫嶠

幾日敦膽墮包胥無安坐登舟涕未乾照水夢忽破

郝超

嘉賓殊不嘉安忍性不返可憐老方回磻也見已晚

顧榮

彥先江南英忘憂不獨醒揮扇散如林歸仁同負鼎

郭璞

青囊火已焚沸井言必中奇齡志飛仙義死覺大夢

桓彝

元子太寧馨生兒不如無卦成何用壞同命寧非夫

王湛

蟻封見神駿韋編契深趣名士三十年蔬食抱冲素

王彬

世儒何錚錚不畏蠡目怒吞聲哭長者庶幾不茹吐

蔡謨

三明道儒雅幾爲勸學誤臨軒待日鋪腰舟竟罷渡

謝太傅

公如蒼生何笑語却勅賊徘徊東山志感慨梁木折

王羲之

何用恥懷祖東遊遂宿心手書妙今古信誓達幽陰

王徽之

慢世學長卿代僵苦無數刺船訪戴逵興盡不復顧

王獻之

一斑露妙齒井丹契高士淩雲萬代寶大臣不作此

桓伊

野王何放率俯仰爲君歌使君故不凡哀怨感者多

陳壽

承祚本良史如何譏索米早奏蜀相集抑揚非仇詆

于寶

令昇著晉紀直婉詞無詭餘事鬼董狐考信兄與婢

習鑿齒

獲土一有半乃與彌天齒帝蜀不帝魏來哲方竊比

左思

招隱東山廬寒泉甘抱甕十年賦三都班張其傳諷

褚陶

季雅泉岱珍丹穴有隱鳳賦成舞勺年天葩發春仲

張翰

吾本山林人適志更飲酒秋風千里尊扁舟落誰手

董京郭翻孫登

洛陽宿白社武昌寄小舟得薪而保耀長嘯吾何求

陶潛

百年何鼎鼎歸來自閑閑孤雲去無心屢空乃樂顏

孟嘉

未得酒中趣沉酣絲竹時南風秋正競吹帽欲何之

庚寅除夕次東坡韻三首

饋歲

月輻指姬訾新芑迎帝佐珍此一日澤貴希知奇貨瓊
琚報木瓜小往卜來大誰能逃空虛閉戶學高臥薄言
酌春酒肴核紛滿座但願春膏多宿麥登可磨頻年愧
民牧功薄不償過魚潛尚有知鶴鳴那無和

別歲

繁短銷膏速人長見益遲逝者誰不朽力善相攀追白
雲去無極碧水生有涯天空兩容與會有相逢時瀼瀼
化甘露灑潤萬物肥良辰如轉轂小別何足悲請君邀
東皇爲歌南浦辭美人如春星熠熠那得衰

守歲

依依蛩負蟹惻惻蛇憐蛇金闥不息燭驪駒那可遮百
年三萬日此夕將如何我有一卮言四座且勿譁夜半
舟去壑桴鼓空自撾吾行本不繫槎泛經天斜人生各
有志歲晚成蹉跎及時守吾約富貴安足誇

次竹君兄驛館夢仲君兄韻

搏沙聚散本微塵，頻夢連牀若有神。月印潭心分合照，

星流槎影往來身。岱陰間俗猶攀樹，

有過長清土人海言舊令惠政詩

角臨風或折巾，

兄典試閩閩故余宦游地也

此日遄歸歡湑甚，圍爐

應念獨醒人。

四月十日得雨喜而有作凡六首

望雨

三冬雪如霰，三春雨如絲。灑空乍濡地，雲作風散之。麥苗短蒙戎，梁根淺離離。老農眼有淚，大吏顏忸怩。三年爲爾牧，鞠謀愧所司。所求時雨露，仰荷皇天私。常恐積

嘗多累爾氓苦饑盱衡占畢潤拊楹驗礎滋

禱雨

天高覆九土龍其力竊祿吏無恥佑民神有常嗟
此山中氓儉僿勤自將力耕沙石上一飽甘糲糠水深
泉苦遠激灌難隄防歲當春夏交乞雨如珠琅仰惟神
昭明鑒此應更傷官禱神已知神籲天自康朝夜雲陰
陰慘淡求旁皇終期荷天憐傾瓢渥我疆

喜雨

望望平生思軒車霽而至捫腹羞四鄰叩門壺漿饋何
如久旱雨滴滴潤肝肺相視各莞爾攬鏡自嫵媚得珍

渴乍解求益飲未醉還疑勢斷續不覺漸綿糗油油麥
已甦澤澤禾可蒔遙知四山外鬢重釵脚膩何當蓑笠
圖繪我勸耕意

觀雨

畫手潑烟雲不如觀自然宵帷暗夏屋曉沐明春鬢穹
穹圓笠覆隱隱修眉連噉噉魚上樂鞞鞞花睡嬌歡歡
老樹得瑟瑟新萍圓紫鴿動呼侶竹雞靜啄堅羣生適
其性況我心田田

聽雨

枕流可清耳不如新雨聲隔窗久淅瀝當簷更琮琤打

鐘憶江漢連牀思弟兄春風雁賓遠綠野鳩呼耕端居
忽多感步履移我情蕭蕭密葉間向夕響更清懸知午
夜夢喫鳳來吹笙安得萬竿竹達旦蒼叫鳴

謝雨

十日必一雨神貺豈云薄嗟我望歲心食多不目忤惟
神作民主愛護如慈弱勤施誰能酬一樽共憂樂再拜
薦羶馨歌舞間翟籥自今三日霖普潤千里廓我田高
下宜竟歲陽雨若我願亦太奢神聽應大噓旬餘藜莧
腸行將饕餮臠詩成欲朶頤雨脚更旁礴

辛卯除夕寄諸兄各一首

冠山伯兄

初壯志四海中年篤同生有如分飛鵠珍重相向鳴孔
懷十年長強艾各邁征伯兮天眞最嗔笑見至情遺我
千紙書瑣細煩丁寧不惜書字多中作夜雨聲兄有五
男兒兩枝已崢嶸何用宦游達式穀惟一經積善有餘
慶寸田期深耕涓涓春泉潤灼灼桃蹊成

冬泉仲兄

仲兄早嘉邇長歌泉明詩孝友比參柴天性醇不疵憐
我最弱弟眠食無參差今夏喜對牀暫聚還別離夜短
不能寐意長不盡辭兄今悟無生度我歸菩提我有刀

圭藥乞兄同不饑氤氲媾金鼎清肥滿玉池相期兩元
鶴頤頤殮肉芝無爲坐岑寂千歲調墳簾

竹君叔兄

叔兮詞林伯文飲遺世喧才名動

黼展使節開江干登臨富吟哦俯仰六合寬收窮嘲籍
湜嗜古搜陵轡嗤我如阿奴碌碌方守官憶昔少小時
連被共暑寒攤書達雞鳴同車聽和鸞自從分別來忽
若東西翰知君今宵醉念我停杯歎何當隨遰雁遠寄
青琅玕

夜氣吟

夜長漫漫何時旦豈有飯牛發悲歎人生百年如騰梭
白日飛轡難揮戈仙人何所天兜率九道三垣環太乙
赤鷄深浴黑鰲底飛出千輪如鏡水完完西上一鉤斜
金蟆如鼓腹可撾當空星河碎落沙高盤承露露珠動
流雲吸入丹牖甕蟠桃結實千春圓暘谷沸湯五夜凍
長夜吟成天欲曙鷄雞一聲冥鵬怒莊生自詡蝶飛飛
禦寇何知風遡遡停梭且聽長夜吟一絃一柱一清心
不見東山照萬古幾希夜氣存鄒魯

斧月篇

吳剛斧月月過午驚雷一聲動天鼓殿前玉女笑瑤瑤

地下電光如揮戈指雲抉霄一瞬息飛越洞庭湖八百
世人醉夢朝與昏不見海底煎赤噉我戲一噉腹如火
交梨已熟結碧果分君一枝君莫唾此中有玉玉未破

題屠鏡原看弈圖

層巒遠近如青螺碧水演漾涵嵯峨吐吞白日半隱見
離鸞合翠烟雲多一枰無聲四圍寂疎雨忽點梧桐科
不知世外有秦漢但向指下籌參何蕭然袖手閒無事
開軒自得飛鴻意壁上諸侯爲底忙橋中二老原非戲
我夢巫山三峽青懸淙已過鄂州城試招黃鵠磯頭客
同聽青臺石上聲

贈史敘九南歸營葬

嗟君三十猶未昏從我聞楚逾河汾馬蹄深涉走京國
春風料峭思江村學書矻矻廢寢飯問字勤勤窮旦晚
三喪未舉猿鶴悲千里獨行鴻鴈遠井陘硤石齧柳
桃花水滿江淮浮勞人明發戒風露孝子足繭營松楸
送君三嘆重執手此行黽勉天所厚牛眠他日出公卿
鳳卜歸來種瑰玖

招雪篇

東風解凍烟霏霏僵龍角脆慵不飛神臯脈發碎沙糝
來變根早農愁饑藐姑仙人杜德機素娥斂袂織玉闥

我夢搏風挾兩翼口吸黃河噴九澤摩天鍾乳下淙淙
膏地瓊糜沁溼溼坤媼大笑月姊喜玉田潤澤丹如米
嘔心豈止活千人洗眼還教鏡萬里

天上謠

天上碧雲如碧波晴空蕩漾金叵羅瑤臺仙人醉欲舞
綃衣素女清能哦丹鴉側翅浴西海海底沸湯白皦皦
扶桑糾幹橫天摩蟠桃千春正蓓蕾乘槎有客周四游
天河夜轉湯湯流河干織女方駕鵲田畔媚子來牽牛
歡娛兩美顏如玉大塊氤氲結金屋屋中春暖夢黃熊
蕉下雲迷起白鹿問君何日返崑城回望瓊樓接帝京

御風縹緲三千里登岸岩堯第一程

岵齋同年游晉見訪承示春風篇作此答之卽以

贈行

二十五春風相知亦已久溶溶春水泮淡泊味彌厚君
家第二泉清冽三江右郎潛豈中隱抱道甘覆瓿同人

聯枝柯獨與空谷叩黔陳濟薑桂

謂來章居憂

粵林愴翠柳

謂穆菴下世二人與君最厚來詩及之

寂寥問字賓契濶談天口憶昔弱

冠初高歌期不朽听然齊楚間雲夢吞八九十年鍊三
都千金擁敝帚來聞楚邦秉燭泣枯柎每懷江海寬
不忍結星霜亦有肉食恥那免譏蓼藪平生二三子竊

比金石友嗟君腹詩書一麾初出守樓船下金沙蒲甘
躡小醜寧帷問疾苦擘畫供芻糗樂樂見星歸清絕空
嶠缶忽輕井陘險驚喜兩執手故交盡老大誰能長黑
首文章見素心烟雲變蒼狗惠我新詩多潏灩醇于酒
更僕燭屢跋爛爛仰箕斗高陳三古義責我無相負樹
人比樹木宋桷逮薪樛知人如觀水河沈辨清濁養生
亦有道要令蒼生壽我聞贈處賢木瓜愧瓊玖豈希山
澤癯敢笑魯儒鯁願君拓遠猶麟鳳方在楸

壬辰六月三日喜雨呈諸同官二首

自我遊甕山山色如待沐汾芻決渠水滑滑注溝瀆此

方多高田何以潤梁菽隱隱望油雲密密愁小畜豈無
凍雨過土厚難滲漉羣公叩龍公敷衽初命祝高高聽
固卑敢擬諾無宿乃知皇穹慈不忍巫尫暴爲霖及崇
朝渙汗亦已速

時雨甘於乳哺此方穉苗天心如慈母憐我赤子嬌山
農耕瘠土作苦風不澆自言氓福薄天幸難重邀今年
普

賜租敢望歲再饒爲我謝父老福善天匪遙天仁與
皇仁合并意甚昭還祈三日霖風露長和調何以保民
福敬告我友僚

望雨有作

殷雷行空如石鼓桐魚跋浪戰虓虎雲旗蕩漾黑螭蟠
咳噀元漿作珠雨老農血眼照天紅涓滴不洗青山童
夢入神霄叩天姥借我一勺傾龍鬚汾晉西流源混混
垂領深潭甘舌本倒卷銀河漑玉田田中赤子眠深穩
六月十一夜喜雨

畜雲不終朝溫風不扇暘嘉禾根未深夏畦望如渴初
旬灑膏沐及茲已契濶三薰告龍宮重請款玉闥齋心
仰天慈罪已恐降割油然太虛意山煙淡一抹霏霏縷
絡垂花散青石鉢入宵密有聲點點潤根柢遙知懸瓊

泉濃乳泛新潑百池菡萏香千頃杭稻活淙淙灌高下
梁黍節欲拔翹首謝眞宰喜氣動蓑褐何當注銀潢峨
眉極清豁

次家繡叔給諫喜雨詩五十韻

吾聞民受中天地交五六坎離司潤暄大觀肇包伏帝
炎幹元氣揉斷充萬腹刪書斷自虞六宗謹薦玉卓哉
桑林禱堯吁同祗肅恤民更罪己雲漢聖手錄文宣愼
齋祭清明通似續子興誦大田雲霓傷季叔發明天人
義俯仰若事畜至誠無不動消息驗寒暴惟天有象數
刑德互勝服惟民生墮瘁榮枯聽培勵所以貴君子中

建爲樞木高瞻求喜愠卑聆采歌哭鳴臯比鶴清在梁
耻鷺禿時傾民怨咨不爲己千福報本到坊庸祈賽厚
風俗寢衣潔興寐瞰室志無慝傳說星爲霖君奭山鳴
鷺忠信薦溪毛福祿脆采菽燮調五行沴黽勉百姓足
達心致之行保抱在司牧幽贊新故鬼哀矜大小獄豈
惟天工襄庶免鼎足戮爲儒章句疎作吏雖刀酷秦越
視瘠肥那得淚泚目民社尚芻狗律耳書豈讀怪哉不
足三姬公非彼學豈能召和甘無備爲炕電經綸徒文
具螟螣食嘉穀平生窺鹿洞化雨滋滲漉遺編想其人
王政惻牛鰥救荒及早禱危苦籌部屋憂樂有後先箕

畢從南朔亦知恥回遘求福歌旱麓我朝

聖繼作春仁益太簇萬綸惟一心丹文照寶籙瞻印欽

蒼穹顰笑寄暘潯

恭讀

天人之感丁寧致意

世宗

殊批上諭于雨暘

本朝敬天勤

民家法超越千古矣昔年侍

紫霄雲誠徧川谷親陳籲帝辭翹觀雲觸岳

已卯

歲珪起居

上親製文罪已呼天至情懇迫六月二十一日步禱于

天壇卽日大雨如注

乃知宵旰枕

珠貫達九曲百神與百工敬應僉筮卜分符隸三晉五

載天膏渥上承岳牧勤協衷厲僚屬下閔唐魏氓作苦

無詛祝每幸天見憐敢云神可黷麥場亦已登秋稼又

望熟感君夜雨篇懸榻更對孰西南挽天河滂沱洗戈

鏃得酒肯相過深泥濂重較

次韻張白蕪咏池中獨蓮二首

晚芳傾世豔靜影臨清池朱華不自賞翠蓋還相持裊
裊風送香湛湛露久滋繁陰耀夏景獨與秋水期日成
佇迴波同臭無等差豈伊慙蒨蕙苦心知者誰

遠道尚相憶相看形影清徘徊一掬水負此遺世榮獨
立吸沆瀣還爲微風傾卷舒亦有意月往茲復生皎皎
青蓮華片片七寶明誰言孤芳淡珍重君子情

與曹劒亭張白蕪遊十方院

揭來紅土硤爲訪白雲僧西風正寥濶秋山日峻嶒游

人輕五岳居士解三乘我欲觀無始徘徊最上層

次張白薊見贈古詩一百二十韻卽以贈行

白薊勇於遊骨勁不縮胸挂膺古錦囊收籟萬竅速投
我千言詩天輪轉腸曲孔揚羅兒孫風騷俯臣僕鼓儼
怯敵効脫局恥不復聊躡金玉音楚然蒼空谷憶昔丁
亥春廉車初輟陸楚材集國門送我軒蓋屬周諏及遺
賢何人書滿腹孝感胡太史舉君一夔足蒲圻老經生
雙美文行獨傾城重一笑抱壁忍三哭丁亥三月子將之楚臬任楚北
官京師者送予西郊予爲兒輩訪名師胡太史紹鼎首舉白薊以對我聞藏諸心恐爲蒙
求瀆滔滔江漢紀箇籛盈臯渙雞鳴駕兩廣左右六一

輻豈伊千里鴻不肯池潢宿採風於有司搜祕黃茅麓
郵筒發異書夜讀跋高燭篇篇鳳皇髓天外垂弦續秋
落洞庭橙春釀襄江綠靈光蕩空青地防巧迴腹醉心
眞文章大觀富海嶽如何驅睡酣不薦雉膏熟開元盛
詩科李杜偏局促小雅嘆嘉賓蕉下鹿空逐況聞邱園
高無意羨帛束思之不得見經時感涼燠訪白菴著作于蒲圻得其
詩古時文稿歎賞欲絕斐然少微降光射蛇山隩倒屣
時君館于他邑不果見出迎之懸榻穿朝昱長揖不暫畱奇文不盡讀行將館
鹿門可以避歊煊遠懷耆舊傳高節庇鄉族相望梁父
吟相思風雨夙君來一謁卽就襄陽之聘明年我去楚手書致珍玉

坡陀踰太行別袖難再握回首夢行雲何當搏羊角經
嘲子雲元筆感昌黎禿契濶歷五秋遰雁斷遙矚辛卯
歲逼除寸札驚三覆知君客邯鄲星火發報牘井陘道
匪遠車轄勤膏沃待君獻歲初春醪煖游躅函丈虛臯
比日夕傾黃鵠渺然莫遺音卜筮勞神告行人迂修途
薰風改惠淑垣曲及浮山走檄趣蒲穀辛卯冬得君邯鄲發書有枉顧意喜甚馳札迎之虛師席以待者半載後聞君迂道游西嶽乃屬垣曲浮山雨令敦趣以來夏五接
塵尾涼軒罷新浴勸君且夷猶敢云鳥擇木兒輩曠師
資荒嬉甚醖毒醴酒爲君設權輿謹夏屋澄波去鄙吝
亦以砭予俗掉頭不我許塵耳洗一掬自言山中人霜

林飽清謖雲物相飲吞山鬼拱蹙邀脉望老篋筒欠伸
厭經塾浮名等蒼狗玉石空碌碌逝將捨之去放浪逐
傖牧平生志山海兩戒劃起伏腰佩五嶽形洞天訪玉
局升中始嵩少太極氣亭育蒼范緱氏跡盼蠻誰敢黷
均州凌紫霄上界遺榮辱作賦金殿中元嶽闡祕錄南
帆望九疑三月味忘肉咳唾祝融峯冰葩淨火欲五更
瞰雲海金輪晃頭目剛飈掣毛骨萬仞疑坼副手摩峒
嶼碑御風下翩翩及茲事遠遊空囊匪干祿鑿空豈博
望西顧寧荀蒨常聞太華削玉女挂梭袖蓮花萬丈莖
倒茄上馥郁束腰攀金縷猿鶴愁絕轍高噴撼參井斧

石鑱銘祝垂手釣巨靈赤脚跨白鹿心如放纜舟肯作
刻鵠驚我遊方逍遙君幣且改卜徐徐援而止潯暑稽
行簾午餐華冰瓜宵檠墮飛蝠庭花淡芙蕖野實登梁
菽白盤幾中天蟋蟀鳴牆塽攀援到兒童鄰德情自睦
酒闌肝膽吐龍劒誰掘獄稚川乞勾漏子陵避文叔舉
杓北斗低晞髮扶桑沐揮手將告別輕裝束衾褥出處
雖異軌古義爲我勗經術布絲綸曲學戒欺誆游屐獄
已三逝齒旬逾六此願幸無違歸老絕尤讎雁門古雄
塞時平箭韜箴清涼文殊臺天乳供糜粥五峯如五幢
狻猊蹴猛勳其北爲恒山黑帝威肅穆秋高吸沆瀣兩

舉眉伸顙嘔夷與滹沱分漕岡脊矗率然一掉尾窮奇
走脫桔東去觀滄海蓬萊款仙籙偕宗闕雲根古轍九
皇軸遂揲曲阜著歸種君山竹尋河或入秦溯江復望
蜀卷懷青園中雲泉看噴瀑山經章亥步水怪靈威匱
氤氲集虛牝縹緲出霧縠讀書和秋聲耕田及春霖庶
幾葛天民樂此桑榆旭君自五月至署盤桓百餘日相
得極歡決意爲五嶽游屢畱之
不可將以中秋後登五我聞起三歎佇立正冠帽方今
臺恒山取道東岳而歸羅八紘中黃建大纛廣張鈞天樂流響逮琴筑子才老
而粹華實備溫肅猗彼幽谷蘭鬱爲通國馥明光需著
作無爲去忽倏野人茹藿葵猶思獻暄暴豈有龍火文

不登九章服三年大鳥喙百尺鯢桓縮會見轟雷霆驚
聞叫鷓鴣何宵杖有輝此日巾且漉章天亘紉縵麗土
播與或嶽貢而川珍斯文信厖篤勉哉三不朽永綏君
子福

題雨花屠翁伏虎圖

翁今學道七十年垂簾兀坐於菟蹠問翁伏虎用何法
笑而不答元之元此虎非凡虎吼天欲裂崑崙祖磨牙
左顧蒼龍雌鹽腦仰吮丹鳳乳我夢騎之游九閭天魔
大傀皆遁藏長飈捲空挾兩翼河漢破浪聲湯湯歸來
柳之鯢淵底桃花小兒搖其尾渴飲猩血饑食熊夜半

腸鳴舞僂鬼豈如杜口毗邪師紫金光爰生狻猊衣帶
圓陀得象罔床脚安穩長龜支啞然到手筌蹄棄猿馬
游行自在意謝翁說法已多時不見曼殊沙滿地

次韻竹君兄南陵見懷之作

去夏旋京國不及十日留與兄暫聚首散影如萍浮兄
復馳使節江山千里修三復白馬篇神動平原侯歲除
感尊酒不得同沐休仰雲雁穿塞俯淵鯢拔湫奮飛隔
陁阪陽侯阻方舟日月去何駛叢桂開山幽珍重一紙
書愜我夢寐求上言教孝秀倫紀敦大猷下言勸經生
實勝文則優寄我南陵作登眺慕匹儔宣城憶元暉江

樹今昔侔時當寒食後望遠懷故邱明發戒征邁何以
解離憂念我三十壯始作東南遊四鳥別完山明月同
高樓常恐違初服貽我親愛羞滔滔大江水濫觴先汙
杯名聲與榮祿清濁分渠溝兄今富文章不朽爭上流
我豈異所趨百匝庭中楸中宵望南斗槎客轉四陲高
哦振金石探勝倦僕騶知君千峯頂一豁萬古眸會當
調兩鶴小別何足愁他時訪初平聽我鞭羊謳

次韻東張白菴游恒山

白足叅師利

五臺禮文殊

青原弔可敦

青塚祭明君

欲尋千古蹟

何意五侯門雪滿西隄外天高北嶽尊錦囊今縱否春

草漫銷魂

青園書屋詩

并敘

蒲圻白蕤張君讀書茅山之幽行高而文深頡頏乎古
人而兩忘萬物行隨雲氣粲然見其山川乃躋武當蹴
祝融闢太少之室懸絙束腰西攀太華之尖北陟五臺
恒山東睇日觀江淮河海若鈎帶乎厥趾蓋有年矣雪
然嗒然曰嘻是其瑰喬奇蕩不越吾青園之樊將幡然
休乎故山朱石君聞之曰君之游約矣至矣蓋仲舒三
年不窺園而子長足跡徧天下鄒衍大九州而化人觀
一芥自其外者游之將萬漏而一挂也自其內者游之

則雲夢不足滯也今茲屋也雲洞覆其上蚴然而白虹
翔水洞環其下漻然而玉乳瑋黃青之峯屹如雙闕千
屏萬几攢環而駢列亘八百餘里君率鄉族之秀巖者
朝哦夕肄何跂乎草元之廬而通德之里也雖然君攬
江山之逸氣博涉數千卷爲文章翹乎一世而不一當
于有司乃放乎汗漫之游而返乎汙漻之居方今羅羣
雅搜逸書老師宿生蒲輪連車君雖逃空虛安得常羊
乎菴川而以青園老也乃作招隱之詩以廣之其詞曰
青園之東兮連山礧礧君讀書兮噉初升春鳥鳴兮山
丁丁山中兮誰爲朋青園之西兮洞庭濛濛秋風滔

天兮擊桂權君讀書兮秋月照山人兮窈窕青園之
陽兮喬松插天盛夏孔懋兮葩林爛爛君讀書兮搴芳
蘭山中兮耀而仙青園之陰兮般虎窟江漢滔滔兮
白日汨君讀書兮映山雪山中人兮粲華髮青園之上
兮雲濛濛洞翫翫兮裊空君讀書兮穿雲櫺山人兮
心沖瀟青園之下兮水活活洞繚繞兮鳴環玦君讀書
兮枕且啜山人兮忘飢渴

喜劉穆菴廉使將至作此代柬

二十七年如彈指同賦狡獪今餒矣君才自合作長城
孱我無能執鞭弭高軒重過晉水陽春風拂拂甘棠香

一杯翦燭話契濶七畧翻水傾肝腸昆吾百鍊青芒正
化作團團仁壽鏡照空常見秦階平含光不獨恒河淨
秦山百二通蠶叢捷書掣電來關東燕喜清風宜六月
鸛鳴好雨酬三農任木爲輶直爲輻書生莫負書滿腹
斟調元氣報

穹皇那問三槐蔭君屋

聽穆菴說法疊前韻

借君兜羅指月指洗眼燈花無暈矣君方精進超三車
直上虛空節未弭五陰了了開天陽旃檀不動交蘆香
試看微塵生兔角不知世界誰羊腸嗟我闕觀迷倒正

大地山河同一鏡波羅巾結密密挑苾芻草長絲絲淨
何處山幽開桂叢卽今飛瓣畫堂東羅雀穿瓶笑佚女
疲牛耕地輪春農以無爲有三十幅居士如何果衆腹
勸君且學閉口師莫震諸天七寶屋

見穆菴令子再疊前韻賀之

歲陰歲陽東北指白額於菟出山矣

庚寅生

開吭試作老

鶴鳴籟雲噴風誰得弭昔年憶我攤陰陽許君磊磊三
珠香商瞿五十果抱子睨睨逼耳清詩腸連宵高談喜
近正摩透銅花八面鏡玉芝有本醴有源天種羅藍白
識淨鷺翁居士夢蘭叢虛空無量東方東飯針滿鉢元

氣固指路要問山間農

鷺峯舅氏亦有蘭兆贈君詩曰云昨日有人來指路爲解之

車噶噶催月輻觀河未改圍減腹知君家有韋相經謁
來好建于公屋

喜雨燈下讀葉辛麓觀察周易傳守

好雨如醇醪午飲宵未醉溶溶入肝脾脈脈轉榮衛皇
穹賜大酺萬物酣生氣層陰羃四遠釵脚千里膩頻年
三春交祈澤愁珠桂今春雪旣渥西郊猶禴祭伊人露
冕來盱衡勞望歲撫琴薰風臺神聽靄而至遙知條行
間隴麥沐深翠連箱載異書隨軒舞童稚三復韋編遺
淙淙逗天祕每於師獄爰惻怛四聖意簷花落瓣瓣深

坐破驪睡西南方洗甲三捷掣電騎遲君觸石雲慰我
勸耕更高歌喜雨亭載酒許問字

雨甚畱辛麓觀察

好人如好雨潤物不厭多與君剪燭話欲別情如何年
華踰強仕竊祿亦已過讀書悔不早慕義空媿媿清夢
憶三生回首迷烟蘿未知百年內鼎鼎誰消磨軒車度
汾霍辛苦問笠蓑今春麥事好天外方洗戈期君暫淹
畱傾蓋君勿訶及茲三日霖寸田播嘉禾

送裴子光庶常北上

山田十日春雨零陌花千里春風馨緋衣公子馬駟駟

看花東去踰井陘憶我初來職祥刑陳風問秀衿佩青
彼汾一曲流潏潏獨子千頃迴瀾渟賣珠空谷愁娉婷
館之齋閣研六經攤元辨白揚渭涇技成蹲甲穿丁寧
金門射策名轟霆歸來賜沐蒸趨庭殷勤舊雨憐秋螢
翩然告別月閨冀爲君舉杯酌碧醺讀書爲善如觀溟
飲潔擇栖養鳳翎看君著作承明廷豈獨纍若誇腰綬
君家公輔有典型

題戴尊甫同年詩冊二首時有五臺之游卽以贈
行

湛湛春江水萋萋秋桂林美人睇天末遺我雲中音鴻

鵠志千里梁稻非所歆卅載感華髮百鍊柔真金徘徊
中夜月斂手調素琴焦尾不足惜脈脈誰知心

太行未云高井陘未云險不遠平生交塵榻拂筦簞撫
今舊雨稀論古新礪睽游屐且須蠟錦囊不用斂清涼
蓮華臺六月天颼颼行行作千偈磨徧青厓隰

癸巳六月二十三日過吳家窑梁氏齋疊壁間前

韻

返照牛羊下嶺村自知鶴性倦乘軒三經桑下應成戀
百市桃蹊更不言何處鴻磬謀漸木君家鸞隱可加飧
他年莫負紗籠意風雨還尋浣壁痕

聞竹君叔兄歸卽用程魚門吏部移居四首韻寄懷

天上星回客到家故巢無恙劇清華三年不負游山勝
一映何妨近市譁最是差池憐燕羽那堪風雨對萸花
知君過巷千行淚驚起連宵繞樹鴉

去來彈指等微塵拾得衣珠不厭貧願我長爲登陸馬
羨君已是捨舟人

新恩藜火當軒煖舊雨桃花滿座春挾筴亡羊忙底事
掃除脈望曬書頻

先生玉局本吾師生小連床共擁衣餞歲疎星行照鬢

催梢乳籜欲穿扉

今年同得孫

側身風隔蓬山遠如願人從

江水歸珍重紫荊花好在池塘春草正芳菲

斗室年來悟集虛心輪聊欲駐飛車名浮萬象爭闕戶
掾有三言謹閉閤甘苦舌根分薺蜜酸鹹世味等蘄蕻
寸田莫忘誅茅約負耒何當共卜居

溫銅刀歌爲蔣玉子作

云是明思陵賜戎政尚書陸完學者許約齋得之易

簣時以贈玉子
玉子名騏昌

蔣君卓犖人中豪長歌示我溫銅刀九牛新發破鬼膽
百年故物畱烏號傳聞尚書轄天策戒嚴漏夜直路臯
期門警蹕問名姓親解腰玦旌忠勞捧歸渡江老嫗哭

杜宇口啄龙龍袍妖星掃地鐵飛吼太阿倚天手倒操
真人首出六宇淨洗兵賣佩牛放桃破斧空收夏代曲
躍金誰掘豐城牢雨拋苔臥鱗甲老白虹飲井蛇蟠攷
陸賈千金輕世守子將月旦精鑒褒知人愛古得所贈
故交感涕匠與獲元冬聞雞試起舞赤手不龜寒凜毛
摩挲欲作辨亡論勇如獨爾連斷鼇我今才鈍怕殷指
善捷不耐偏師挑瓏首何當晉人呖瓦釜亦效邱嫂轍
君乎投筆獨何事燕領食肉思翔翔一門競爽比祥覽
放手切玉如截膏他年珍重社稷器摩厲須子秋天高

三月四日喜雨七首

以萬點津蔬
拂面來爲韻

元雲起觸膚森風息吹萬五旬致心齋竊恐違素願汾
洮潤千里高下資渠堰每每山中田農苦何由勸陂陀
條霍間宿麥根已建不聞鳩喚聲那飽芋魁飯蕭蕭入
夜分清我夢想蔓虛窗傾璣璵擁衣意彌綖

得求匪以文重請豈云諂吁嗟民望勞呼吸天視儼偉
哉姑射人虛空數根點濛濛接無極淒淒興有泮笑我
滴青驄猶疑夢時魘朝出覺檐濡午歸喜泥濘恭惟神
肝蠻持節達玉檢自今往爲霖庶幾歲無儉

嘒嘒羣生意蕩蕩皇穹仁一朝敷闡澤草木皆懷新容
容山吐氣仰吸氤氲醇涓涓水泉上地昉潛通津我農

抱犁搨及時偕苦辛桔槔免搨搨種稂播已均泥塗老
甲子叱我九十惇樂哉復何事長爲堯舜民

自我飲晉水七見榆筴更頻年作雩詩神聽不我瑩爲
政已苦拙求莫心亦傾但願足春膏杏雨隨深耕兒童
知我意勿欺邑中黔我慚承露人貪天挹金莖山樞有
遺風勤儉天所旌況聞役車休滂沱行洗兵

聞金川有
奏凱消息

庭草生萋萋園柳漸菀菀鳥語樂梁思佳辰鄰禊祓淙
淙達宵聲鏗如漏鐘剌又疑懸甕下善利湧澤沸恒華
會諸天牙齧清不埽雲幢散妙葩清涼禮文佛誰貪功
德水取求不汝拂七寶恒河沙點點无可屈

我友在西河抱玉靜不銜鞠謀心如暘未詠三冬霰披

圖懼屯膏欲借春水游

辛麓欲更先天圖雨潤于東

何當玉井東湧

起雲一片憶昨歌舊雨屢賡恥後倦

去春喜雨與辛側麓四疊禾字韻

身望西南千里遲會面麥隴尚無恙河潤肥可畋雨脚

插空濛好語跂郵傳

平陽蒲州望雨更切

我夢餐霞人游戲蓮花臺手捧帝青鉢玉顏方嬰孩示

我善者機洩雲叩黔雷調調少女風楊柳皆低回霏霏

萬斛珠金天散臺駘滌濯六氣沴浸潤百穀蓂自我民

有年降康先牟來願言保天澤嘉種善自培

寄張白菴

汗漫齊州外，栖皇遂古初。
夢魂通翫斲，碑板護夔魑。
雲在碧山洞，花深春水漁。
自今空五岳，更有枕中書。

途次清風店寄竹君兄

五年別君如轉轂，江南山北

恩同沐。兄歸校閣擅雕龍，我戀乘軒類刻鵞。
太行一握望雲心，槎月三秋依斗目。
肉食無墨詎屬餒，邑中有黔空執扑。
疲牛負重怯長途，驚馬嘶風思舊牧。
天膏膚寸蟻知潤，朝陽咫尺葵先昱。
銜泥若許認巢痕，飲河真欲捫便腹。
聽雨已聞西向笑，把萸竊恐登高哭。
穿林瀉玉卽未能烹鶴，焚琴差免惡知君。
擁書花滿園，期我來看。

巾共漉

珪蒙

恩復入翰林竹君兄疊前韻見賀輒疊奉答

方材宜軫園宜轂散樗亦受膏霖沐車行平地穩栖雞
巢近高天收野鷺十年悔不熟讀書一枕何當淨揩目
君如退之苦詰盤我學方平甘鞭扑布帆無恙到三山
肉芝可採輕九牧羨君高議開石渠坐令玉堂生曠昱
子雲口吃頌鴟夷不能爲舌聊爲腹偶作劉誓妻孥瞋
深辨韻書神鬼哭東坡有弟何敢望太邱必世應知愿
漫誇屋上星蔚然且聽窗前雨滲漉

東寄葉辛麓觀察

五年游同方千里求同氣君如陰羽鳴我苦濡尾濟豈
伊杞柳性甘作匏瓜繫大鈞忽我私善解不用掃蔚然
歸舊林適比山梁雉兄弟喜予來同床話深契妻孥喜
我歸尪羸欲嫵媚舊雨喜我來疎星映躔次新雨喜我
來尊酒略行輩我樂誰當知鯨魚在濠際寄語素心人
遙遙莊與惠

七夕圖裕軒學士野圃賞荷之約阻雨不果疊翁
覃溪韻

醵游何用辨殺房一昔盤蝸欲上床遲我漏天小有異

參伊淨土不生香星橋直瀉明河壯蠟屐空思玉井涼
載酒莫虛風雨約西山爽已逼秋陽

送湯賓鷺之粵東

卅年老門生覲此歐陽默天禮謝春葩芳味抱秋實遺
我一束書聞幽秉史直低徊熹懷間國論實頗側寃哉
嵒陽獄含沙聚短蜮磊磊黃與劉揚庭辨珠薏豈憎鸚
鵡賦欲剪鸞孔翼竟蒙匡章惡獨坐李斯囑前溫與後
楊賣國亦可盡源流決涇渭收綴得要襍傳聞雖異詞
粲粲分白黑感君平反心愧我編摩職祇今載三車遠
度海南北君家老使者鳳觜麟角鬚心清羅浮香眼淨

泉蛟織斷金合兩美錫朋鄰一德新語廣陸生志林紹
蘇軾期君如遶鴻天門來可陟

移居鄂不草廬翁覃溪同年作詩見贈次韻奉答

遠游焦反巢重載牛出澗十年悔已遲二尺檠可秉昔

君抱一經負郭無半頃射藝纁襦單嶄角綠髻竝顰音

捷崑叫童詠爭春竊磷堅厲方須翻水成已省枚賦子

真臯蘇策我慚穎

以上敘予與覃溪王戊年童子試事

心悔癸秋拙

癸亥七月

三日先慈見背

思樂甲晝永

甲子夏覃溪入學

窺園苞天葩聽瀟遠人

境朱弦未成聲雪萼正開嶺合穀兩清越聯珠乍嘒耿

乙丑十月予與竹君兄服闋同入學糝粟或颺前金針實脫穎國香發

觸天愛夷瞰

丁卯予與覃溪同舉於鄉而覃溪旋丁外艱

麻衣寒不掩漿

歎日愁併似甘決踵貧不恥結駟騁楚喜獨迷虛庚諸

誰呼井幽居閱燧火奇文露晶炯俄聞排雲唳忽掣追

風影北空五花散南徙八翮整詩成雞林購語出粵佗

警擁軒氣如虹穿榻學更靜蕙轉譽髦樂箠折不率屏

高摩赤霄溫迴翔元閣冷琅嬛啟鍵閉獵碣搜榛梗宵

稽下泰乙晷較攀大丙竽吹不自量肉食久竊鼎

聖恩鑒臣慵史筆仗公等具邇直其然如願心所請新

知豔種桃舊雨憶賣餅忘筌豈無魚斷榦尚有綆廿載

但俯仰萬籟何疆町三秋感月破一夢憐裳褻學道守

予雌讀書羨子猛雕蟲已袖手集腋思挈領節三閩潛
光尺五求中景蔽根可素飽醉心漫狂醒卜鄰兄得同
紆轍子非迴久要定忘形薄酌差勝茗

疊前韻和竹君兄

兄詩易等
字作杏

我昔游西山芟履溪壩潭戲指百年宅躬耕耒同秉祇
今四十强大耄亦瞬頃完山久分飛四海安得竝星奔
甲臘除再出丁月竊攬祛二老莊長號絕定省點點夜
雨聲何時對嵩穎我行鴨頭水放棹江漢永黃鶴叫列
眞呼吸御風境竭來渡太行隨雁北到嶺屏藩愧負乘
待旦懷耿耿使聞我舊游擢秀快同穎

兄主試福建所
錄多予舊貧士

辛夏我暫歸未旬三接曷

天誼好兄弟星喜此聚併我去滹沱溢君傳采石騁兩
登黃山巔下界真坐井白雲掣大海勝比祝融炯教士
先識字頡斯析響影前朝大典書萬部誰收整昌言陳
至尊清聽元露警木天輻填咽鄭馬起遐靜斷簡發龍
威高功題

鳳屏遂成千秋嘉何惜一官冷嗟我仕未優不學久荒
梗皤皤颺吞河攸攸魚搖丙

恩深寸長木咎貸趾顛鼎從茲薦施松何用虎守杏廿
年復同車蹋鼓間朝請風味筮仕初蓐食共煮餅逝者

感予仲捨筏不繫縵維摩超香界深草沒花町叔兮挾
天章近道必尚褻飲醇師曹參捫蝨嗤王猛結廬志鄂
不悲愉意自領槐蔭門對開樽軒牆過景牧犢不改張
東臯肯長醒天倫老更親聖路行彌迴聯吟費階廡情
話消湯茗

閏月廿五日張樊川虞錦亭陳繩菴汪持齋李郁
齋李文園吳澹人小集鄂不草廬消寒有作呈諸
公卽求和章

卅年參尾各西東今夕相看笑語同蒼鬢行羞蟻泛綠
醅顏還映蠟搖紅蓉城縹緲空懸月

邊學士博大局苑
尹相繼厭世

森深不漏風

梁司農直欄密隔城不與

落落八仙拚一醉漫辭花影

照卮中

是夕行探花小令

適得石華魚數尾不能徧致也同年有約交下次
直消寒會者將之以詩

黃河千里抱河套東窮西折豐榆交天橋險東不得下
雷硠震撼翻鼉蛟轉輸大漠糧萬筏春縱罅漏嗟珠拋
有魚穴之盡魴鯉暴頤未化甘游坳噉喁精英長魴卵
厥名石華腴可膠

石華魚出保德州天橋峽下峽險米筏過之易壞魚食米故肥冰澆

鱗活佐

玉食歲以冬獻先

南郊鱸肥不腊列異品分饋巨要

矜苴苞前期達官戒州吏嚴權漁戶煩笏敲編濠堂策
數頰尾未充官課誰敢罾用宏取多生苦淦咫尺眞贗

那辨淆

眞者難得往往以黃河魚雜之

嗟我七冬屬饜飫當食三歎民

瘠磽今年舊雨尚念我珍重尺素同冰鮫自笑商歌空

浩浩宵鰥無匹星憐匏薄遺家昆儻籩豆間致執友登

房穀膏流河豚美無毒羞逾海鰈藉用茅釜鬻未漑食

指躍熊魚優劣難兼梢惟宜消九與衆共莫但去乙充

君庖四方豐年夢旗旄三春燕喜思膾炙江湖相忘在

蓼藥出游從容非解嘲行當連犴競莊惠魚服一發當

鳴騶

爲棟鄂氏殉節作

妾家聚戟高插天君家迤邐沙隄連雀環墮地百轉結
鮫珠入海千折圓坦之繞膝佳公子充國移家輕萬里
玉門關外月開奩伊麗河邊燕掠水燕喜歸來袞繡新
月華長照綵衣春修桂有痕碎七寶煎風無力膠千鈞
聲聲欲裂緱山去枝枝半死龍門樹去年親見水西流
今夕難攀日東駐自裁雲錦五銖衣天上相從地下隨
玉棺飄飄白蜺拂瑤繩耿耿青鸞垂忠貞世篤魁台老
醴泉有源發芝草柏舟謠出公莫悲紫綸彤史千秋
好

郁齋自噉石華魚而以鮠鯉供客疊韻強辨同人
不與復用前韻檄之

肉分甚均宰天下鯉御諸友非私交我歌嘉魚樂羣雅
豈料香餌填饞蛟嚶鳴伐木感神聽明月投李誠暗拋
咄哉荒唐托漆叟游鯢不辨溟與坳鮠鯉雖美曷足數
無鱗有毒徒脂膠石華之名媿海月河山左右秦晉郊
鼎公染指拜好賜疆牧稽首緘貢苞小宗官清歸遺少
太常齋罷金闥敲時長至禮成流涎一笑媚舉案河魴河鯉
宜罾罾公然善幻欺我友以鼠爲璞誰知淆連朝雪花
比薺蔔四望銀海迷腴磽不妨占夢指蕉鹿底用竭澤

求舟鮫主稱河魚思麥麴

柳齋有腹爲詩

叩須求涉登苦飽衆

賓放箸但三歎豈伊列鼎無嘉穀愛而不見欲彈缺背
盟弗助懲伐茅滑稽雖學校人辨罷琴莫怪狺狺捎急
徵賓筵罰童殺要解雜佩親中庖書戒謫言許補過禮
珍小鼎調薌炮瓊何肥乎勿多食羊爲政矣將來嘲徧
告諸公整旂鼓且以仁義先矢鰲

張樊川司成值會復以石華魚遺之代柬

給鮮何必麗龜麋莘尾依然欲負斯可以君家千里味
恰宜少婦十分炊水晶盤映凝脂妒明月珠還比目疑
莫怪鱣公成獨樂只防衆口誚于思

上元侍宴

正大光明殿恭紀

重上花磚侍

紫皇錦袍春引

御爐香回看雲鳳千函祕

殿北陳圖書集成全部講官負架而侍

平視蓬

龍萬疊張

東西列鼉山燈屏

奉酒名王嫺鞠脰歌候大武勢飛

揚

陞演開國樂舞

廿年曾繞霓裳夢

珪以丁丑冬充講官除夕侍宴今二十年矣

日眞分玉燭光

奉

命充文淵閣直閣事

皇十一子爲刻石章見贈作此恭謝

玉皇冊府開天緘詞臣列直榮古銜六書摹印拜
嘉賜三天寶胄親鐫劒時當重熙聚奎壁功成大武
銷槍櫓紫光圖繪褒鄂肅文淵架構夔龍監書成
四庫供乙覽詔許羣雅窺西函微斯竊幸鳳池集
頓覺拂拭鴻毛多自憐散木受雨露何意羣玉登瑤城
十年負乘愧赤芾三山便穩歸清颿侍書早夜共濟濟
感

恩涕淚雙灑灑眞同餌丹換肌骨喜見吮墨霑袍衫美
哉講堂潤金玉獨於世味精甘鹹書窮烏蜩極雲變

文轡龍虎工天鑱多能才藝又美富上界慧業殊仙凡
璆章追琢世珍重儒林傳耀人饕餮慙予不學書更拙
悔欲發憤荒難芟摩挲螭文瓊莫報歌舞鳳德環能
嗽瑤琨根枝篤天性穗蠶象意知民晷磨礪大美借砂
礪苞蘊萬善收毫纖方流圓折會學海天心月窟搜書
巖作詩壤擊笑餽弇願言瓦注調英咸

送金海住少宗伯師三首

經席數彭宣移情緬刺船樂全天下老餌半地行仙安
輦升瑤闕奔車臨素旃何期重撰杖不減舊懷鉛
款款暫晨夕匆匆又送歸程仇雖未老籍湜詎相依編

弟子卓猶苦先生道益尊卷舒隨褻襲清越叩琨璠萬

國恩吉庚期命駕惇史待公言

皇十一子招飲西園應教

北渚惠清風西園惟古賞及茲講堂暇得與山觀爽曲

水間砭洞天霽幽敞拾級香界近

近香散帙冊府廣

傳室各
置古書

宥坐非求舊逸書必盈櫨元龍徂百尺羅樹斂

方丈鑄華照璿璣絕力超駿駟

馬觀戲

連拳桂枝秀嚙齟

桐花養

皇七八孫
怡怡左右

渺瀰鏡水瀾首受蓬瀛長狎獵披

茄荷檀欒潤篠簞祕袖三篋富鈔借一瓶餉

時借架上書卽席鈔

校列坐接清華陳義發高朗犀璫後鄒枚麟角標凡蔣

茂叔吟風雄思廉映雪晃蘭英旣醉德鮮嘉時出網雍

容愛忘疲好賜儀多享

承賜畫軸研墨諸物

寶山麋載歸元海夸

象罔中宵夢鈞天猶覺神儻恍甘霖百穀豐

是夕喜雨顯氣

三秋沆願言道集虛自下德彌上

贈邵閭谷太守并東六令兄舍人二首

少年輕相知老大重執手與君昔飄鳴灌木初求友浮

雲意氣多濃淡間杯酒猶憶接扁舟風帆纔沙柳三山

我歸來一麾君出守永嘉又錢塘冰玉映貶貞知君歆

水清怪我責人厚庶幾欽前賢豈獨高邵叟

君家瓊樹枝不數陸與庾紫微老舍人抱玉扁文府貫
弗二十三獨手劖月斧遺我尺素書刈稻必辨鄙如何
空谷馨春風閼蘭杜君行好攜手湖山聽夜雨二毛篤
天倫此意各領取願言加餐飯明德老須努

秦禮堂同年招紀曉嵐彭鏡瀾及予小集作詩四
首分贈次韻奉酬竝柬兩公

湘轉帆隨始識君春風剪燭接清芬叩堂有跡驚窮里
掘獄無心豁蔀雲子達早徵雙鳳穎郎潛猶動聚烏文
廿年樽酒相逢意疎影寒香靜觀聞

漸鴻中路更憐羣燕北衡南跡漫分客有五花鏤管夢
親題萬里鑿空文子雲流沫談元白左史摩眇訂索墳
翰老不愁官職小瓊樓清切第高勲

前年御製詩
有小翰他年盡上

卿句謂紀
學士輩也

家學誰推述古尊大椿鬱鬱蔭雲昆雕龍世衍聯珠集
書馬人傳萬石門寵弟天花方雨鉢哲兄宿草感韜墳
一編柱史辛勤共齋閣朱絃獨奏鵠

巢痕舊雨愧諸郎蠟鳳分明共此光袞袞方將知我老
新新不住阿誰忙簪花晚去芳心淡放鶴歸來視履康
清唱先春蘭有臭敢辭鸛舞踏筵狂

題遵化牧靳綠溪同年榮藩圖

君家壺口陰漳水夾山足山花坼紅苞遙映讀書屋十
年下帷不窺山弱冠射策排揚班種花春風逼汝潁樹
棠夏蔭敷畿寰鬱葱佳氣雙龍峽桃花寺前花壓怡川
爲霖雨潤蒼黎那許春山憶鷓鴣開圖見君掀髯時五
千文字縑蠶絲煎茶疇昔吾臭味思君倚柱吟惠施已

河南試
院共事

知足齋詩集卷第五終